

OCTOBER 2019

UWEVWIN ORHÈRÈ

RO GHWOGHWO UVIE RI JIHOVA

Ọ RÈ IBIETA RỌYEN RHORO



IYOVWINRETA RE CHE YONO VWE:
DECEMBER 2-29, 2019

Muomaphiyọ Iruo Ẹga na Vwẹ Okuphiyọ re “Oba re Ẹde Na”

*“Mudia gan, wo yeghe oma-a, dje ebuo-ebuo phiho
vwẹ iruo re Ọrovwohwo.”—1 KỌR. 15:58.*

UNE 58

Guṅṅo Igbeyan re Ufuoma

ỌDJẸKOKO

O re che kri-i, isun re akpo na ki che kperi ukperi re
“ufuoma kugbe ofuvwegbe!” Ọyena yen cha dia oka ra
vwọ riẹn nẹ ukpokpogho rode na cha tonphiyo re. Die yen
Jihova guṅṅore ne ru vwẹ ọmọke křen ro chekọ na? A cha
mrẹ ẹkpahonphiyo na vwẹ uyono nana.

Ọ DA DIANE ukpe ri 1914 wan nu e ki vwie wẹ, koyen uvwre rẹ “oba rẹ ẹdẹ” na yen wo de yeren akpeyeren wen eje. (2 Tim. 3:1) Avwanre eje nyo kpahen orugba rẹ eronwọn ri Jesu mraro royen kpahen ọke avwanre na. Jesu ta ota kpahen emu re cha kanre, eto re cha berẹ, ega, uruemu rẹ urhiecho ri che bunphiyo kugbe omukpahen rẹ ihwo rẹ Oghene. (Mat. 24:3, 7-9, 12; Luk 21:10-12) Avwanre je mre ihwo ri vwo uruemu rẹ oyinkon Pol ta ota kpahen nonena. (Ni ekpeti na “Iruemu rẹ Ihwo Djephia Nonena.”) Iseri ri Jihova rienre den ne “ukuko” yere oba rẹ ẹdẹ na yen avwanre de yeren na.”—Maika 4:1.

² Ro vwo diane o kri mamọ ukpe ri 1914 wan re na, ka sa tane okuphiyo rẹ “oba rẹ ẹdẹ” na yen e de yeren na. Oba na vwo siekere na, ko fori na rien ekpahonphiyo rẹ eno eghanhanre nana: Die yen cha phia vwe okuphiyo rẹ “oba rẹ ẹdẹ” na? Die yen Jihova guonore ne ru ra je vwo herhe obo re cha phia na?

DIE YEN CHA PHIA VWE OKUPHIYO RE “OBA RẸ ẸDẸ” NA?

³ Se 1 Tesalonaika 5:1-3. Pol ta ota kpahen “ẹdẹ rẹ

-
1. Diesoro o vwo mu avwanre ero ne “oba rẹ ẹdẹ” na yen e de yeren na?
 2. Eno vo yen ofori ne a guono ekpahonphiyo rayen?
 3. Kirobo ra mraro royen vwe 1 Tesalonaika 5:1-3, ukperi vo yen isun rẹ akpo na che kperi?

Ọrovwohwo.” “Èdẹ rẹ Ọrovwohwo” ri Pọl vwo ruiruo vwe ẹkpo ri Baibol yena mudiaphiyọ uvwre rẹ ọke ra cha vwo ghworo “Babilon Rode,” ro dia okugbe rẹ ẹga efian eje, o mi rhe kuphiyo vwe Amagidon. (Evwọ. 16:14, 16; 17:5) Tavwen “ẹdẹ” yena ke tonphiyo, isun rẹ akpo na che kperi ukperi rẹ “Ufuoma kugbe ofuvwegbe!” Ọkiyo, ayen reyo eta tiyena vwo ruiruo siere ayen da ta ota kpahen obore ẹkuoto sansan se vwo ru kugbe.* Ekevuo, ukperi rẹ “ufuoma kugbe ofuvwegbe” ri Baibol djise royen na fere. Diesoro? Onana da rhe phia, ihwo che roro ne isun rẹ akpo na ghene hwarhie ufuoma rhire. Ekevuo, “ukpokpogho” rode na me rhe tonphiyo “siervo na ughwu mi rhi she teye ayen kpregede.” —Mat. 24:21.

⁴ Avwanre rien eronwon evo kpahen ukperi rẹ “ufuoma kugbe ofuvwegbe” na. Ekevuo, o ji vwo eronwon evo rẹ avwanre rienre-e. Avwanre rien obo re cha nerhe isun rẹ akpo na kperi ukperi yena yere obore ayen che kpere wa-an. Avwanre je rien se e che kperi ukperi nana ọke sansan yere ofuovo goi-i. Otoro obo re phiare-e, e je avwanre gbe ughenghen roro

* Kere udje, vwe websaiti rẹ United Nations, ayen tare ne “Ayen sero rẹ ufuoma ve ofuvwegbe rohe uvwre rẹ ẹkuoto sansan.”

4. (a) Die ofa yen avwanre ji che rhero royen kpahen ukperi rẹ “ufuoma kugbe ofuvwegbe” na? (b) Die yen a rien kpahon re?

ne isun re akpo na sa ghwa ufuoma rhe akpoje-e. Ukperẹ otioyen, ukperi yena yen Baibol na tare ne rhero royen. Onana yen oka ro che djephia ne “ede re Orovwohwo” na cha tonphiyo re.

⁵ Se 1 Tesalonaika 5:4-6. Uchebro ri Pol na dje obo re ru vwo muegbe herhe “ede re Orovwohwo” na. Otioyena, “e gbi je avwanre vwerhe, kere otu ri cheko na-a, ekvuovo e gbe je avwanre rhovwo rere a vwe ero kpen.” Kere udje, ofori ne avwanre vwobo vwe oseghe re usuon re akpo na-a. E de vwobo vwo, koyen avwanre ebere ovo “re akpo” na. (Jon 15:19) Avwanre riendre ne Uvie re Oghene ovo yen sa ghwa ufuoma rhe akpo na.

5. Die yen 1 Tesalonaika 5:4-6 tare ne ru vwo muegbe herhe “ede re Orovwohwo” na?

Iruemu re Ihwo Djephia Nonena

“Ihwo cha guono omaobo re ayen no, e cha guono igbo no, i che phuoma no, i che ni oma rhuarho no, e cha harhe ekan no, i gbi che mu ogho ke ese ve ini-i, e gbe cha rien ese-e, e gbe cha guono efuon, i gbi vwo omaeririo-o, e gbi se fue ohore re aye-en, ri miovwi ode re ihwo, ke ven ro umwemwu, ke djoma, ki tuoma re emu esiri, ke she ihwo, zighi zighi, ke von ve ophiewe, ke guono omavwerhe je eguono re Oghene vwo, ri mu ofian re ega baroma ekvuovo ye ayen sian ogangan ro hero.”—2 Tim. 3:1-5.

⁶ Ọ dia avwanre ọvo yen cha rhere-ẹ, o ji fo ne a chon ihwo efa uko vwo rien obore Baibol na tare ne o cha phia vwe obaro na. E ja karophiyọ ne ugege re ukpokpogho rode na da tonphiyo nu, uphen re ihwo vwo rhe, rhe ga Jihova ra cha dia-a. Onana yensoro iruo aghwoghwo na vwo dia emu re okpakpa!*


MUOMAPHIYO IRUO AGHWOGHWO NA

⁷ Jihova guṅṅore ne muomaphiyọ iruo aghwoghwo na vwe ọmọke ro cheko na tavwen “ede” royen na ke tonphiyo. Ofori ne avwanre “dje ebuo-ebuo phiho vwe iruo re Ọrovwohwo” na. (1 Kor. 15:58) Jesu nabo djise iruo re avwanre che ru. Oke ro vwo ta ota kpahen eronwọn kiriguo re cha phia vwe uvwre re oke re oba na, o da ta: “Iyẹnre esiri na koye e ke ghwoghwo ke akpo na ejobi tavwe.” (Mak 13:4, 8, 10; Mat. 24:14) Di roro: Koke koke ru wo de vwobo vwe iruo aghwoghwo na, je wo rue orugba re aroemre yena!

⁸ Die koyen a sa ta kpahen eyan-obaro re iruo aghwoghwo na? Kukpe kukpe yen iruo na vwo yan

* Ni uyovwinrota na “Edjoeguo re Oghene—Ọ Fobo Vwe Orhoesio Phia?” rohe Uwevwin Orhere nana.

-
6. Die yen avwanre cha chon ihwo efa uko vwo ru, ke diesoro?
 7. Die yen Jihova guṅṅore ne ru enena?
 8. Mavo yen iruo aghwoghwo na yan obaro wan nonena?



**UKPERI RẸ
UFUOMA KUGBE
OFUVWEGBE!**

**Wo se ukperi rẹ “ufuoma kugbe ofuvwegbe”
rẹ ẹgborho na che kperi phia na gbuyota-a
(Ni ẹkoreta 3-6)**

obaro. Kerẹ udje, roro kpahen oborẹ uchunu rẹ ighwoghwo rehe akpoeje buenphiyo vwe ẹde re koba na. Vwe ukpe ri 1914, ighwoghwo 5,155 yen herọ vwe ẹkuoto ri te 43. Je nonena, ighwoghwo ri te omare oduduru 8.5 yen herọ vwe ẹkuoto ri te 240! Dedena, iruo na ji re-e. Avwanre ji cha rha vwe ihwo ne Uvie rẹ Oghene ovo yen se si ebenben rẹ ihwo-rakpo eje no.—Une 145:11-13.

⁹ Oke ri Jihova vwo tane o tere yen iruo aghwo-ghwo na che vwo vwoba. Bre oke yen ihwo ji vwo ayen

9. Diesoro o vwo fo ne e rhe ghwo ghwo iyenren esiri na?



Nonena, avwanre dje ke ihwo womare iroo aghwoghwo na ne Uvie re Oghene ovo yen sa ghwa uvi re ufuoma kugbe ofuvwegbe rhe (Ni ekoreta 7-9)

vwo rhe rien Jihova Oghene ve Jesu? (Jon 17:3) Avwanre rienre-e. Ekevuovo, avwanre rienre ne besie ukpokpogho rode na ke tonphiyo, ihwo re “ve arho ri bede na ke” vwo uphen re ayen vwo kerho re iyenren esiri na je ga Jihova. (Iruo 13:48) Mavo yen a sa vwo chon ihwo nana uko vwe omoke ro cheko na?

¹⁰ Jihova ke avwanre ekuakua re se vwo yono ihwo uyota na womare ukoko royen. Kere udje, e yono avwanre kudughwren kudughwren vwe *uyono re uvwre re udughwren* na. Uyono nana chon avwanre uko vwo rien obo ra sa ta vwe obo resosuo ku-

10. Ukecha vo yen Jihova vwo ke avwanre rere e se vwo yono ihwo uyota na?

gbe orhivwinbrura. O ji yono avwanre obo re ruẹ uyono ri Baibol wan. Ukoko ri Jihova je ke avwanre ekuakua rehe *Ekpeti re Uyono* re vwo ruiruo na. Ekuakua nana chon avwanre uko . . .

- vwo ton otaetakuẹgbe phiyo,
- vwo ghwoghwo ota vwe idjerhe re ovuẹ na vwo siurhuru,
- vwo rhanrien urhurusivwe re ihwo ayen vwo yono Baibol na kpobarophiyo,
- vwo nabọ yono ihwo uyota rohe Baibol na, ji
- durhie ihwo kpo Oguan Ruvie kugbe wẹsaiti re avwanre.

Re di vwo vwo ekuakua nana ovo teri-i. Ofori ne avwanre reyọ ayen vwo ruiruo.* Kere udje, wo da vwe itrati yere imagazini vwo ke ohwo ro nabọ dje omawerhovwen phia, ko se se besie wo vwo rhivwin bro ra. Avwanre ohwo vuovo vwo oghwa re vwo vwobo vwe iruo aghwoghwo na te asan ega avwanre teri kemeranvwe kemeranvwe.

¹¹ Gbe ji roro kpahen obo ri Jihova reyọ *Uyono*

* Wo da guono evue efa kpahen obo ra sa vwo reyọ ekuakua rehe Ekpeti re Uyono na vwo ruiruo, ni uyovwinrota na “Yono Uyota Na” rohe *Uwevwin Orherẹ* re October 2018.

11. Diesoro re vwo ru Uyono ri Baibol re Ruẹ Vwe Intaneti na?

ri Baibol re Rue Vwe Intaneti na rohe jw.org/urh vwo vwe ukecha ke ihwo vwo yono uyota na nonena. (Kpo IYONO RE BAIBOL > UYONO RE RUE VWE INTANETI.) Diesoro re vwo ru orhuere-phyoto nana? Kemeranvwe kemeranvwe yen ihwo buehun vwe akponeje vwo hie guono iyono ri Baibol vwe Intaneti. Iyono ri Baibol rehe websaiti avwanre na sa chon ihwo uko vwo vwo owenvwe re ayen vwo yono Baibol na. Wo se noso ne ihwo evo ru wo ghoghwo ota ke rhonvwa rhiaboreyo uyono ri Baibo-ol. O da dia otioyen, gbe dje iyono nana rehe websaiti avwanre na yere ilinki ro sa reyo ayen kpo asan re iyono na hepha ke ayen. Wo ji se dje iyono na ke ayen vwe ephere re ayen vwo eruoro yen.*

¹² Uyono ri Baibol re Rue Vwe Intaneti na ta ota kpahen iyovwinreta nana: “Baibol na Kugbe Ohwo ro Vworo,” “Ihwo re Ikuegbe Rayen he Baibol Na,” kugbe “Ovwe re Iphierophiyoro Roro Baibol Na.” Vwe iyovwinreta yena, wo che yono:

- **Obore Baibol na sa vwo chon ohwo uko**
- **Ohwo ri Jihova, Jesu kugbe emekashe na hepha**

* Iyono nana heroro vwe ephere re Oyibo kugbe Portuguese enena, e ji che ru ayen phiyoro ephere efa obo.

12. Die yen Uyono ri Baibol re Rue Vwe Intaneti na ta ota kpahen?

- Oboresorọ Ọghẹnẹ vwọ ma ihworakpọ
- Oboresorọ ojaeriọ vẹ umwemwu vwọ herọ

Wo ji che yono kpahen obore Jihova . . .

- che vwo phioba phiyọ ojaeriọ vẹ ughwu,
- cha rhovwọn ihwo ri ghwuru, je
- vwe Uvie royen na vwo wene usuon re ihworakpọ.

¹³ Ọ dia reyọ iyono nana vwo wene ọrhuerephiyotọ re Uyono ri Baibo-ol. Jesu tare ne e re yono ihwo. O muero ne ihwo ri dje omavwerhovwen phia cha fueren iyono nana, o che je ayen, ke ayen ji che vwo owenvwe re ayen vwo yono kpobarophiyọ. Ọkiọvo, ayen mi rhi rhiaboreyọ Uyono ri Baibol obọ. Vwe oba re uyono ọvuọvo, e durhie ohwo na ne ọ nokpen re ohwo ro cha vwe Uyono ri Baibol vwo mu ke. Vwe akponeje, ihwo re vre 230 yen nokpen re Uyono ri Baibol vwe websaiti avwanre kede kede. Uyono nana re ohwo che bru we rhe rhi yono na pha ghanghanre!

DAWENGBA VWO GBE IDIBO

¹⁴ **Se Matiu 28:19, 20.** Avwanre vwo yono ihwo

13. Iyono re ru phiyọ websaiti na wene ọrhuerephiyotọ re Uyono ri Baibol? Djekpahon.

14. Vwo nene iji ri Jesu rohe Matiu 28:19, 20, die ofori ne avwanre dawengba vwo ru, ke diesoro?

Baibol na, ofori ne a davwengba vwo “*gbe idi-bo . . . , [ji] yono ayen vwo rien otọ re imu na ejobi [ri Jesu] ji iji ke*” avwanre na. Ofori ne a chon ihwo uko vwo rien oghanrovwe re ayen vwo ka ebere ri Jihova ve Uvie royen. Onana mudiaphiyọ ne a cha chon ayen uko vwo vwe uyota na vwo ru o re obọ rayen, vwomakpahoto ke Jihova ji bromaphiyame. Ayen de ru onana ke ayen se sivwinrho vwe ede ri Jihova.—1 Pita 3:21.

¹⁵ Kirobo ra tare jovwo, omoke kren koyen cheko oba re eyeren nana ki rhi te. Otioyena, o rhe vwo oke ra cha ghwo vwo yono ihwo re guono dia Inenikristi-i. (1 Kor. 9:26) Owian re avwanre na o re okpakpa! O ji vwo ihwo buebun ri fori ne i nyo ovue Uvie na tavwen oba na ki te.

KENOMA KE EGA EFIAN KARE KARE

¹⁶ Se Ewophia 18:2, 4, 5, 8. Aworeta nana dje oronwon ofa ri Jihova guonore ne idibo royen ru. Ofori ne Inenikristi uyota kenoma ke Babilon Rode kare kare. O sa diane ohwo ra vwe Baibol yono ka vwomaba ega efian jovwo. O je sa diane o mu irueru re ega efian na kpahen uyovwin yere o ru itetoro vwo bicha. Je, tavwen ohwo tiyen ke sa dia oghwoghwo-

15. Die yen ofori ne a ghwo oke avwanre vwo rue-e, ke diesoro?

16. Die yen Ewophia 18:2, 4, 5, 8 tare ne ru? (Ni eta rehe oboto na.)

ta ro ji bromaphiyame-e, ofori ne o siomanu ega efian rierierie. O che si obe rhe ishoshi yere ukoko ega re efian ro hepha jovwo na ne oyen rha dia ovo usun rayen ofa-a.*

17 Ofori ne Onenikristi vwobo vwe iruo vuovo ro cha nerhe o bicha ega efia-an. (2 Kor. 6:14-17) Kere udje, ohwo na che ruiruo re ishoshi vuovo-o. Vwo vre oyena, Onenikristi ro ruiruo vwe oto ohwo ofa cha rhonvwe ghwo ro oke grongron vwo ruiruo vwevunre uwevwin ega efia-an. O da rha diane o vwo iruo oboro royen, o cha reyo ikotradi mie ebere vuovo ri Babilon Rode-e. Diesoro avwanre vwo brorhien nana? Kidie avwanre guono vwobo vwe iyono ve irueru re ega re efian re Oghene tare ne e fonro-on.—Aiz. 52:11.#

18 Ikpe evo re wanre, oshare ovo da vwe iruo re

* O ji fo ne a kenoma ke ikoko ri churobo si ega efian. Kere udje, ni obore "Eno re Ihwo ri Se Ebe Avwanre Nore" ta kpahen ra vwo vwo-maba ukoko re se YMCA (Young Men's Christian Association) rohe Uwevwin Orhere ri January 1, 1979. Obore Uwevwin Orhere na tare ji shekpahen YWCA (Young Women's Christian Association). Dede ne ihwo evo rehe ikoko nana tane irueru rayen churobo si ega-a, je a da guono oto royen ayen tite irueru re ega.

Wo da guono rien evue efa re nabo djekpahen ero ri Baibol na vwo ni iruo ro churobo si ega efian, ni "Eno re Ihwo ri Se Ebe Avwanre Nore" rohe Uwevwin Orhere re April 15, 1999.

17. Oka re iruo vo yen Onenikristi kenoma ke, ke diesoro?

18. Mavo yen oniovo ovo tinka mu orhien-ebro royen kpahen oje re iruo?

ikapita vwo ke ɔkpako ɔvo ne o ru vwe ishoshi ɔvo vwe orere royen. Oshare na riene ne koke koke yen oniɔvo na vwo sian ne, oyen che ruiruo vwevunre ishoshi-i. Ekevuovo, oshare na mre ohwo ofa vwo ruiruo na-a. Dedena, oniɔvo na je rhonvwe ruiruo na-a. Udughwren ro vwo kpahon, obe ro ghwa iyenren de mu ifoto re ikapita ofa ro hwe agbagba mu ishoshi na. Ko diane oniɔvo avwanre wene ewen ro de rhia-boreyo iruo na jovwo, okiavo ifoto royen koyen e re mu phiyobeyen na. Di roro omavovwe re onana ra so ke iniavo efa ri che nyo kpahon! Ji roro kpahen obore onana ra da Jihova te.

DIE YEN E YONORI?

¹⁹ Baibol na vwe avwanre ne, oronvwon ovo kiri-guo ro cha phia kerekpe vwe akpoeje yen ukperi re “ufuoma kugbe ofuvwegbe.” A kpevwe Jihova fikire eronvwon ro yono avwanre. Avwanre riene ne otoro obore isun re akpo na davwen te-e, ayen cha sa hwarhie uvi re ufuoma rhe-e. Die yen ofori ne ru besie e ki kperi ukperi yena, re oghworo ri kpregede che nene na? Jihova guonore ne e muomaphiyobeyen iruo aghwoghwo na, je davwengba vwo gbe idibo re ihwo. A me je vwe oke ovuovo na vwo kenoma ke ega efian kare kare. Oyena churobo si e vwo siomaneyen ega re

19-20. (a) Die yen e yono cha rhanvwe sie na? (b) Die yen e ji che yono kpahen?

efia, ọtiọyen ji te iruo re ruẹ vwo biẹcha Babilon Rode.

²⁰ O ji vwo eronvwon efa re cha phia vwe okuphiyo re “oba re ede na.” Eronvwon efa je herọ ri Jihova guonore ne ru. Die yen eronvwon yena, ke mavo yen e se vwo muegbe herhe obo re cha phia kerekpe na? E che yono kpahen enana vwe uyono ro cha na.

IDJEDJE RE UHOHO Aruobe 7: Ihwo ri rhi de emu vwe asan ra da she ikofu guere oma oke re ayen vwo nyo “Iyenren Kpokpo” ro shekpahen ukperi re “ufuoma kugbe ofuvwegbe” vwe telivishoni. Aye gbe oshare ri rovwonma ne iruo aghwoghwo na se iyenren na gbuyota-a.

DIE YEN WO YONO KPAHEN . . .

- ukperi re “ufuoma kugbe ofuvwegbe”?
- obore iruo aghwoghwo ve odibo-egbe na dia emu okpakpa te enena?
- obo ra sa vwo kenoma ke ega re efian?

Fuevun Vwe Uvwre Oke re “Ukpokpogho Rode Na”

*“Guṅṅo Orovwohwo, owan ihwo efuanfon roye ejobi!
Orovwohwo na sere re ihwo ri sere gbuyota.”—UNE 31:23.*

UNE 129

E je Avwanre Chirakon

ODJEKOKO

Avwanre riṅre ne chekemerha ihworakpo eje che rhiromre “ukpokpogho rode na.” Die yen che phia ke idibo ri Jihova uvwre re oke yena? Die yen Jihova guṅṅore ne e ru oke yena? Iruemu vo yen ofori ne a kpuriṅphiyo enena rere a sa vwo fuevun uvwre oke re ukpokpogho rode na? Uyono nana cha kpahenphiyo eno yena.

VWERO roro ne isun re akpo na ghwe kpere ukperi re “ufuoma kugbe ofuvwegbe” re rhero royen oke grongron re na. Ayen sa ta ve omaeyan ne a je rhe mre oka re ufuoma tionana devo-o. Isun re akpo na guonore ne avwanre vwo imuero ne ayen se si ebenben re akpo na no. Ekevuovo, ayen che se ru emuvuovo kpahen obo ri che nene ukperi yena-a! Diesoro? Kidie aroemre ri Baibol tare ne, “sievuovo na ughwu mi rhi she teye ayen kpregede, . . . o gbi rhe vwo ohwo ro cha dje vabo-o.” —1 Tesa. 5:3.

² Enọ eghanghanre nana guono ekpahonphiyo: Die yen cha phia uvwre oke re “ukpokpogho rode na”? Die yen Jihova guonore ne e ru oke yena? Mavo yen e se vwo muegbe rere a sa vwo fuevun uvwre oke re ukpokpogho rode na?—Mat. 24:21.

DIE YEN CHA PHIA UVWRE OKE RE “UKPOKPOGHO RODE NA”?

³ Se Ewophia 17:5, 15-18. A cha ghwo “Babilon Rode!” Kirobo re djunute sievure, isun re akpo na che se ru emuvuovo kpahen obo re cha phia oke

1-2. (a) Ukperi vo yen isun re akpo na che kperi phia kerekpe?
(b) Enọ vo yen guono ekpahonphiyo?

3. Kirobo re Ewophia 17:5, 15-18 tare, idjerhe vo yen Oghene cha vwo ghwo “Babilon rode”?

yena-a. Diesoro? Kidie “Oghene [che phio] phiho udu rayen rere ayen vwo ru *iroro roye*” gba. Die yen iroro yena? Oyen ra vwo ghwo okugbe re ega re efian eje, ji te ega ugbunu.* Oghene che phi iroro royen phiyo udu re “ighoro ihwe” re “eranvwe owwa-vware” na. Ighoro ihwe na mudiaphiyo ega usuon re akpoje ri biacha “eranvwe owwavware” na, ro dia United Nations. (Ewo. 17:3, 11-13; 18:8) Ukpokpogho rode na cha tonphiyo, oke re ega re usuon yena de che mu vwo ega re efian. Oghwo yena che kpogho akpoje.

⁴ Avwanre rien obore isun re akpo na cha ta ro cha nerhe ayen reyo vwo Babilon Rode-e. Ayen sa tane ega oshegberudion vwo ke ufuoma, ne ayen duvwunu phiyo eta re usuon gan no. Yere ayen je sa tane ega koko efe ve ekuakua re akpeyeren bun no re. (Ewo. 18:3, 7) Ohohore ne oke re isun re akpo na da cha kpare vwo ega, o dia *ihwo* re ega na eje ayen cha ghwo-o. Ukpere otioyen, *ega* na den yen ayen che si no. Ega de no re, ihwo ri kpo ega na vere

* **OBORÉ OTA NANA MUDIAPHIYO:** Ega Ugbunu eyen ega ri se oma rayen Inenikristi, ekewovo ayen rhonvwa yono ihwo obo ra ga Oghene wu idjerhe ro rhonwephiyo-o.

4. (a) Die yen isun re akpo na sa ta vwo dje oboresoro ayen cha vwo reyo vwo ega re efian? (b) Die yen ihwo ri kpo ega re efian jowwo se ru oke yena?

ke cha rhe mreṽughe ne ilori rayen sun ayen ghwru, ke ayen cha dawwengba vwo tephe ke ęga yena.

⁵ Baibol na vwe avwanre obore ọke re oghwoṛo ri Babilon Rode che gron te-e, ekeṽuovo avwanre riendre ne o cha reyo omoke. (Eṽwo. 18:10, 21) Jihova veri ne oṽen che “bru” ede re ukpokpogho rode na kre rere ęga ruyota ve “otu ra jereyo na” se vwo siwwinrho. (Mak 13:19, 20) Je, die yen Jihova guṽore ne e ru uvwre re otonphiyo re ukpokpogho rode na kugbe ofovwin re Amagidon?

VWE OKIEJE VWO TITI ĘGA RE UYOTA

⁶ Kirobo re yonori vwe uyono ro wanre na, Jihova guṽore ne idibo royen siomanu ęga re efian. Ekeṽuovo, onana vre ra de vwo kenoma ke ęga re efian. Ofori ne avwanre brorhię kokoroko re vwo titi ęga re uyota. Je roro kpahen idjerhe ive re se vwo ru otiṽen.

⁷ Eṽosuṽo, avwanre che *yeren akpo nene iwan*

5. Ive vo yen Jihova vwophia kpahen ukpokpogho rode na, ke die-soro?

6. Die ofori ne avwanre ru re se vwo siomanu ęga re efian kare kare?

7. (a) Mavo avwanre se vwo yeren akpo nene iwan ofuanfon ri Jihova? (b) Mavo yen Hibru 10:24, 25 vwo kanrunumu oghanrovwe re uyono ęra enęna?

ofuanfon ri Jihova. Avwanre che se yeren akpo nene iwan re ihworakpo na-a. Kere udje, avwanre vwobo vwe koka koka re ofanrhię-en, otioyen ji te oronvwe re oshare ve oshare yere aye ve aye kugbe uruemu re oshare vwo due oshare. (Mat. 19:4, 5; Rom 1: 26, 27) *Orive, ofori ne avwanre kuomagbe iniovo avwanre ga Jihova.* Kasan kasan yen avwanre de se ru otioyen, te o dia Eguan Ruvie, iwevwin re iniovo yere asan odjahon. Otoro obo re phiare-e, avwanre cha sa dobo re uyono era ji-i. Vwore uyota, ofori ne e muomaphiyọ uyono era “marho ke oke nana re [avwanre] vwọ mre ne ede na si kere re” na.—**Se Hibu 10:24, 25.**

⁸ Okiovo ovue re avwanre che ghwoghwo vwe vwre re oke re “ukpokpogho rode na” che wene. Enena, avwanre ruiruo aghwoghwo re iyenren esiri re Uvie na je dawengba vwo gbe idibo. Ekevuovo, vwe oke yena, o sa diane evue re edjoeguo ro hoho osio re imicho koyen e che ghwoghwo. (Ewọ. 16:21) E ji se ghwoghwo ne oghworo re akpo re Eshu na si-kerire. Oke vwọ yanran na, avwanre cha rien evue re che ghwoghwo kugbe obo re che ghwoghwo ayen wan. Ena re avwanre vwo ghwoghwo ve i re vwo yono vwe ikpe re vre ujin re na yen e ji che vwo ruiruo

8. Ewene vo yen sa vwomaphia vwe iruo aghwoghwo avwanre vwe obaro na?

vwe ọke yena? Gbanę ena efa yen e che vwo ruiruo? A cha rię sięę ọke yena de te. Obo rọ wanre eje, avwanre che fiudugberi ghwoghwo ovwe re ędjęguo ri Jihova!—Izi. 2:3-5.

⁹ Ọkiọvo, ovwe re avwanre na cha nerhe ophu mu isun re akpo na re ayen da davwengba vwo dobo re iruo aghwoghwo na ji. Kirobo ri Jihova bięcha avwanre enęna, ọtiọyen o ji che bicha avwanre vwe ọke yena. Aphro herọ-ọ, Ọgheneę cha ke avwanre ęgba re se vwo ru ọhore royen.—Maika 3:8.

9. Die yen isun re akpo na se ru fikire ovwe avwanre na, ke imuero vo yen avwanre vwori?

Otoro obore eronwọn gan te-e,
e ja dobo re uyono ęra je-ę
(Ni ękorota 7)



MUEGBE VWO KẸ ẸVWỌSUỌ RẸ IHWO RẸ OGHẸNẸ

¹⁰ Se Luk 21:25-28. Vwẹ uvwre rẹ ọke rẹ ukpokpogho rode na, oshọ che mu ihwo gangan siẹrẹ ayen da cha mrẹ nẹ eronvwon rẹ ayen vweroso vwẹ akpọ rẹ Eshu na jovwo, ghwoṛo toto. Ayen cha von vẹ “ivuemiovwwo,” udu ji che bru ayen nẹ ayen che ghwu fikirẹ eronvwon rẹ imuoshọ re phia na. (Zef. 1:14, 15) Vwẹ ọke yena, ọ sa diane uweren cha gan kẹ idibo ri Jihova vrẹ obo ri jovwo. Ọ sa dia ọtiọyen kidie avwanre dia ebere ovo rẹ akpọ na-a. Emuore, iwun vẹ asan ra cha dia sa kanre dede.

¹¹ Ọke vwọ yanran na, iwun se miovwwo ihwo ra ghwoṛo ẹga rayen na kidie Iseri ri Jihova ovo koyen cha rha ga ẹga. O muero nẹ ayen cha hrahra eta rẹ ivuemiovwwo rayen na nene itaneti dede. Egborho na vẹ isun rayen, kugbe Eshu che vwo utuoma kpahen avwanre kidie nẹ ẹga rẹ avwanre ovo yen cheko. Koyen ayen se si ẹga nẹ akpọ na rierierie kirobo rẹ ayen rorori-i. Ọtiọyena, kẹ ayen che rhi hirharoku avwanre. Vwẹ ọke yena, ke se se egborho na eje nẹ

10. Kirobo ri Luk 21:25-28 tare, die yen ihwo che ru siẹrẹ ayen da mrẹ obo re phia vwẹ ọke rẹ ukpokpogho rode na?

11. (a) Diesoro e che vwo hirharoku Iseri ri Jihova? (b) Diesoro oshọ rẹ ukpokpogho rode na vwo jẹ avwanre emuo?

Gog ri Magog.* Ayen che kuomagbe ji reyo egba rayen eje woso ihwo ri Jihova. (Izi. 38:2, 14-16) Avwanre sa ro enwan kpahen obo re cha phia vwe uvwre oke re ukpokpogho rode na, kidie a je ghwa rien obore eronwon cha dia vwe oke yena-a. Je emu ovo ro muero kona: Ofori ne osho re ukpokpogho rode na mu avwanre-e. Jihova cha vwe ovue re obo re se vwo sivwinrho ke avwanre. (Une 34:19) Vwe oke yena, ke che ni enu a me “kpare iyovwi re [avwanre]” kidie avwanre rienre ne “etanhirhe [re avwanre] sie kere re.”#

¹² “Odibo esiri na” nabo muegbe avwanre rere a sa vwo fuevun vwe uvwre oke re ukpokpogho rode na. (Mat. 24:45) Ayen ru onana vwe idjerhe buebun re. Idjerhe ovo yen oghwekoko re ruru vwe ukpe ri 2016 fie 2018. A vwe uchebro ke avwanre womare eghwekoko yena ne a kpurienphiyo iruemu ra guonore re

* **OBORÉ OTA NANA MUDIAPHIYO:** Gog ri Magog (re bru kre kpo Gog) mudiaphiyo okugbe re isun re akpo na re cha honre woso ega uyota vwe uvwre re oke re ukpokpogho rode na.

Wo da guono rien kodophiyo kpahen eronwon re cha phia okpokpahon ri che kuphiyo vwe ofovwin re Amagidon, ni uyovwinrota 21 re obe na *God’s Kingdom Rules!* Wo da guono rien evue efa kpahen ewosu ri Gog ri Magog kugbe obo ri Jihova cha chochon re ihwo royen vwe uvwre oke re Amagidon, gbe ni uyovwinrota 17 ve 18 re obe na *Pure Worship of Jehovah—Restored At Last!*

12. Idjerhe vo yen “odibo esiri na” wan muegbe avwanre herhe obo re cha vwe obaro na?

ede ri Jihova vwo siekere na. E Je a rhoma fueren ayen kren.

KPURIENPHIYO EVUN-EFUON, AKON-ECHIRO VE UDUEFIOGBERE WEN

¹³ *Evun-efuon*: Uyovwinrota re oghwekoko re ukpe ri 2016 yen “Fuevun Ke Jihova Okieje!” Avwanre yono vwe oghwekoko na ne, siere e de vwo omamo oyerinkugbe ve Jihova, ka sa fuevun ke. A je karo-phiyo avwanre ne e se sikere Jihova womare erho-vwo ene ve uyono ri Baibol ro ghoto. E de ru otioyen, ke se vwo egba re vwo yerin ghene ebenben ride. Akpo re Eshu na vwo te ure royen re na, o muero ne e che hirharoku edavwini ra vwo fuevun ki Jihova ve Uvie royen. Ihwo je cha ra reyo avwanre vwo jehwe. (2 Pita 3:3, 4) Emu ovo kiriguo ro cha suo yen, avwanre rhonvwe bicha ebere vuovo re akpo re Eshu na-a. E je evun-efuon re avwanre gan vre obo ri jovwo rere a sa vwo fuevun vwe uvwe oke re ukpokpogho rode na.

¹⁴ Vwe uvwe re oke re ukpokpogho rode na, ewene cha vwomaphia kphen iniovo re cha vwerote

13. Mavo yen e se vwo ru evun-efuon avwanre ke Jihova ganphiyo, ke diesoro re vwo ru otioyen enena?

14. (a) Ewene vo yen cha reyo edia kphen iniovo re cha vwerote ukoko na? (b) Diesoro ra vwo guono evun-efuon mie avwanre vwe oke yena?

ukoko na. Oke owo de rhi te, ke che koko ichukoto re ihwo ra jereyo na kpo odjuvwu re vwobo vwe ofo-vwin re Amagidon. (Mat. 24:31; Ewwo. 2:26, 27) Onana mudiaphiyọ ne Eko Rowwrote na gbi che nene avwanre dia otorakpo obo ne-e. Ekevuovo, otu gbidigbidi na ji che vwo orhuerephiyoto re ayen che nene. Iniovo ri muwan vwe usun re igode efa na keyen cha vwe odjeke phia. Ofori ne e dje evun-efuon phia womare e vwo biecha iniovo nana ji nene odjeke re Oghene cha vwo ke ayen. E che vwo usivwin siere e de nene odjeke rayen.

¹⁵ *Akon-echiro*: Uyovwinrota re oghwẹkoko re ukpe ri 2017 yen “Wo Je Oma Rho We-e!” Oghwẹkoko na phiuduphiyo avwanre awo re se vwo chirakon re edavwini. Avwanre yonori ne, o dia oke re eronvwon vwo shephiyo ke avwanre owo yen e che vwo chirako-on. Akon-echiro re avwanre sa ganphiyo siere a da vwerso Jihova. (Rom 12:12) E je ive ri Jesu nana chorọ avwanre ero-o: “Ekevuovo ihwo ri se *chirako te oba*, ke eye re cha rho.” (Mat. 24:13) Ive nana mudiaphiyọ ne ooro ebenben re hirharoku-u, ofori ne a fuevun okieje. Avwanre de chirakon re edavwini enena, o sa nerhe avwanre gan besie re ukpokpogho rode na ke tonphiyo.

15. Mavo yen e se vwo ru akon-echiro avwanre ganphiyo, diesoro o vwo fo ne e ruo enena?

Muegbe enẹna wo se vwo sivwin
wan “ukpokpogho rode na”
(Ni ẹkoreta 13-16)



Iruemu rẹ Ihwo Che Djephia Vwẹ Ọke Yena

Ihwo che vwo ẹguṅṅo rẹ ihwo efa, che vwo ẹguṅṅo rẹ Ota rẹ Ọghẹṅẹ, che ru dẹdẹn, cha vwomakpotọ, che jiri Ọghẹṅẹ, emọ che muṅghọ kẹ esẹ vẹ ini, ihwo cha riṅ ẹse, cha fuevun, i che vwo ẹguṅṅo rẹ erua rayen, ki che ru nene eta rayen, ayen gbi che miovwọ ode rẹ ihwo-o, ke cha riṅ oma sun, e gbe djoma-a, ki vwo ẹguṅṅo rẹ emuesiri, ke dia ihwo ra sa vweroso, ihwo re nuẹ, re pha vworovworo, ki vwo ẹguṅṅo rẹ Ọghẹṅẹ nọ akpọriọ, ki vwo uvi rẹ oshọdẹ rẹ Ọghẹṅẹ.

¹⁶ **UduEFIogbere:** Uyovwinrota re օghwẹkoko re ukpe ri 2018 yen “Fiudugberi!” օghwẹkoko na nerhe avwanre karophiyօ ne օ dia egba romobօ yen avwanre se vwo fiudugbere-ẹ. Kere akon-echiro, e se fiudugberi siere a da vweroso Jihova. Mavo yen a sa vwo vweroso Jihova vre obo ri jovwo? օyen womare isese ri Baibol ri kede kede, kugbe re vwo roro kpa-hen obo ri Jihova sivwin ihwo royen օke awanre. (Une 68:20; 2 Pita 2:9) օke re eborho na da cha vwo avwanre vwe uvwre re օke re ukpokpogho rode na, avwanre che fiudugberi je vweroso Jihova vre obo ri jovwo. (Une 112:7, 8; Hib. 13:6) A da vweroso Jihova enena, e che fiudugberi օke ri Gօg da cha kpare vwo avwanre.*

RHERO RE USIVWIN WEN

¹⁷ Kirobo re yonori vwe uyono ro wanre na, uvwre re “oba re ede” na yen avwanre buebun de yeren akpeyeren re avwanre eje. Avwanre je rhero ne e che sivwin wanvren ukpokpogho rode na. Ofovwin re

* օghwẹkoko re ukpe ri 2019 ro vwo uyovwinrota na “Egunօ Vwo Oba-a!” cha vwe imuero ke avwanre ne oma se fun avwanre vwe otօ re eroevwote ri Jihova.—1 Kor. 13:8.

16. Die yen cha nerhe avwanre fiudugberi, ke mavօ yen e se vwo ruo ganphiyօ enena?

17. Diesoro oshօ re ofovwin re Amagidon vwo je avwanre e muo? (Ni uhoho rohe opharo օbe na.)

Amagidon koyen che phi oba phiyo eyeren nana kare kare. Ekevuovo, e je osho mu avwanre-e. Diesoro? Kidie, Jihova yen che phi ofovwin na. (Ise 1:33; Izi. 38:18-20; Zek. 14:3) Jihova da ghwa vwe iji na ke Jesu nu, Jesu ko che sun isodje re obodjuvwu kpo ofovwin na. Ihwo 144,000 na ve buebun re emekashe ke cha vwomaba Jesu. Ayen che koko honre woso Eshu, emekashe royen kugbe ivwighren re Oghene rehe otorakpo na.—Dan. 12:1; Ewwo. 6:2; 17:14.

¹⁸ Jihova vwe imuero nana ke avwanre: “Orowo re duvwu wo so owe se yovwi-i.” (Aiz. 54:17) “Urogho re ihwo” ri fuevun ga Jihova che sivwin wan “ukupkoghoro rode na!” Ayen cha fuevun ga Jihova okieje. (Se Ewwohia 7:9, 13-17.) Baibol na ke avwanre imuero ne e che vwo usivwin vwe obaro na! Avwanre riene ne “Orovwohwo na sero re ihwo ri sere gbuyota.” (Une 31:23) Oma cha vwerhen ihwo ri vwo eguono ri Jihova ri ji jiro, oke ri Jihova da cha kpare ode ofuanfon royen na kpenu.—Izi. 38:23.

¹⁹ Roro kpahen obo re che si 2 Timoti 3:2-5 wan, o da diane e djise re ihwo re dia akpo kpokpo na. (Ni

18. (a) Imuero vo yen Jihova ke avwanre? (b) Mavo yen Ewwohia 7:9, 13-17 wo nehẹ udu wen gan kpahen obaro na?

19. Oka re akpo vo yen avwanre rhero royen vwe obaro na?

ekpeti na “Iruemu rẹ Ihwo Che Djephia Vwẹ Ọke Yena.”) Oniọvo George Gangas* rọ gare vwẹ Ẹko Rọwẹrote na, djisẹ rọyen ọtọna: “A cha mrẹ vwo dje akpọ yena rẹ ihwo eje de che kuomakugbe ga Jihova na-a! Chekemerha, ku wo che vwo uphẹn wọ vwọ dia akpọ kpokpọ na. Wọ cha dia rhirin rhirin kerẹ Jihova. E, a cha dia bẹdẹ.” Akpọ yena cha vwerhen den!

* Ni uyovwinrota na “His Deeds Follow Him” rọhẹ *Uwevwin Orhẹrẹ* ri December 1, 1994.

IDJEDJE RẸ IHOHO Aruọbe 21: Iniọvo ri fiudugberi ruẹ uyono vwevunrẹ aghwa vwẹ uvwre rẹ ọke rẹ ukpokpogho rode na. **Aruọbe 26:** Urogbo rẹ ihwo ri fuevun ga Jihova cha wan ukpokpogho rode na vrẹ vẹ aghoghọ!

DIE YEN WO YONO KPAHEN . . .

- oghwọrọ ri “Babilon Rode”?
- ọghanrovwẹ re vwo titi ẹga rẹ uyota?
- ọghanrovwẹ ra vwọ kpuriẹnphiyo evun-ẹfuon, akon-echiro kugbe uduEFIogbere rẹ avwanre?

Die Yen Jihova Sa Nerhe Wo Dia?

“Oghene . . . ru we gan, o ke we owenvwe ve egba wo vwo ruiruo.”—Fil. 2:13, NW.

UNE 104

Oke re Ewen Ofuanfon re Oghene

ODJEKOKO

Wo guono ru bunphiyọ vwe ega ri Jihova? Wo ji roro se o vwo obore Jihova sa reyo owe vwo ru? Gbane, wo roro ne wo cha sa vwomakpahoto rere Jihova reyo owe vwo ruiruo vwe idjerhe ro guonore-e? Vwevunre uyono nana, a cha mre idjerhe sansan ri Jihova sa vwo ke we owenvwe ve egba ro fori wo se vwo ru ohore royen.

JIHOVA sa dia kemu kemu rọ guṅṅore o se vwo ru ṅṅore rọyen gba. Kereṅ udje, Jihova sa dia Oyono, Obruche, ve Oghwoghwota. Jihova ṅvo se ru enana ve efa. (Aiz. 48:17; 2 Kọr. 7:6; Gal. 3:8) Dedena ṅke buebun, ṅ reyṅ ihworakpo vwo ru ṅṅore rọyen. (Mat. 24:14; 28:19, 20; 2 Kọr. 1:3, 4) Jihova je sa ke avwanre ohwo ṅvuṅvo aghwanre ve eḅba ra guṅṅore re se vwo ru ṅṅore rọyen gba. Enana eḅere ṅvo re otṅ re ode ri Jihova kirobo re ihwo evo ri yono eḅe kodo tare.

² Avwanre eje guṅṅore ne Jihova reyṅ avwanre vwo ruiruo, ekevuṅvo ihwo evo se vwo ewen ivive ne Jihova reyṅ ayen vwo ruiruo-o. Diesoro? Kidie ayen roro ne ayen che se ru bu-un, fikire edje, edia re akpeyeren yere eḅba rayen. Vwo ke ihwo efa, ayen roro ne obore ayen rue enena teri, otioyena o rhe fo ne ayen ru bunphiyo-o. Vwevunre uyono nana, a cha ta ota kpahen obore Jihova sa vwo ke avwanre eḅba e se vwo ru ṅṅore rọyen. E de ru oyena nu, ka cha fueren obore Jihova vwe owenvwe kugbe eḅba vwo ke eshare ve eya vwevunre Baibol na rere ayen se vwo ru ṅṅore rọyen. Ukuoto rọyen, ka cha fueren obo ra sa vwo vwe uphen ke Jihova ne ṅ reyṅ avwanre vwo ruiruo.

-
- 1. Die yen Jihova sa dia rere o se vwo ru ṅṅore rọyen gba?**
 - 2. (a) Diesoro avwanre vwo vwo ewen ivive okievo se Jihova reyṅ avwanre vwo ruiruo? (b) Die yen a cha fueren vwe uyono nana?**

OBO RI JIHOVA KẸ AVWANRE ẸGBA WAN

³ Se Filipae 2:13.* Jihova sa kẹ avwanre *owenvwe* re se vwo ru obore avwanre guṅṅo ru. Mavọ yen o ru ọnana wan? Ọ sa diane, o vwo ẹdia ọvo ra da guṅṅo ukecha re avwanre vwevunre ukoko na. Yere ekpako na se ileta ọvo ro ne oghon ukoko rhe ro shekpahen ukecha ra guṅṅore vwe ukoko ofa rohe eko-gho re avwanre na. Ohwo vuovo sa no oma royen, ‘Mavọ yen me sa vwo vwe ukecha phia?’ Yere a da kẹ avwanre owian ọvo ro vonre ve egbabose, avwanre se roro se e se ruo kirobo ra guṅṅore. Yere e de se ekpo ri Baibol ọvo nu, e se roro, ‘Mavọ yen me sa vwo reyo ekpo nana vwo vwo ukecha kẹ ihwo efa?’ Jihova cha gba avwanre vwo ru emu vuovo-o. Ekevuvovo, ọ da mre ne e vwo owenvwe ra vwo fueren oma avwanre, ko kẹ avwanre egba re vwo ru obore avwanre guṅṅo ru na.

⁴ Jihova sa kẹ avwanre *egba* re se vwo ru obo ra guṅṅo ru. (Aiz. 40:29) Ọ sa vwe ewen ofuanfon

* Dede ne Inenikristi re ukpe ujoin esosuo yen Pol si ileta royen na vwo rhe, eta royen na ji shekpahen idibo ri Jihova eje.

3. Kirobo ri Filipae 2:13 tare, mavọ yen Jihova sa vwo kẹ avwanre *owenvwe* re vwo ru obore avwanre guṅṅo ru?

4. Mavọ yen Jihova sa vwo kẹ avwanre *egba* re se vwo ru obo ra guṅṅo ru?

royen vwo ru ona re avwanre vwori yovwinphiyo. (Eyan. 35:30-35) Womare ukoko royen Jihova se yono avwanre obo re se vwo ru oka re iruo evo. Wo de vwo ewen ivive kpahen obore wo se vwo ruiruo ovo ra vwo ke we, nokpen re ukecha. Je vwe okieje vwo yare “egba ro vre egba” vwo mie Ose re avwanre ro siobone ghwologhwolo na. (2 Kor. 4:7, NW; Luk 11:13) Baibol na vonre ve idje re eshare ve eya ri Jihova reyo egba vwo ke, rere ayen se vwo vwo owen-vwe ve egba ayen vwo ru obore ayen guono ru. Roro kpahen idjerhe ri Jihova sa vwo reyo owe vwo ruiruo vwe idjerhe tiyena re che vwo yono kpahen evo usun re idje na.

OBO RI JIHOVA REYO ESHARE VWO RU

⁵ Jihova reyo Mosis vwo sivwin ihwo re Izrel. Ekevuovo, oke vo yen Jihova vwo reyo vwo ruiruo? Oke re vwo “yono Mosis phiho aghwanre re ihwo re Ijpt ejobi” yen Jihova vwo reyo vwo ruiruo? (Iruo 7: 22-25) Ejo, oke ri Jihova vwo yono Mosis phiyo ohwo ri dendon ro je vwomakpoton nu, yen o vwo reyo vwo ruiruo. (Iruo 7:30, 34-36) Jihova ke Mosis uduefiogbere ro vwo ta ota ke ovie re Ijpt ro dia osun ro me vwo egba oke yena. (Eyan. 9:13-19) Die yen avwanre

5. Die yen avwanre yono vwo ne oke ve obo ri Jihova reyo Mosis vwo sivwin ihwo royen?

yono vwo ne obo ri Jihova reyo Mosis vwo ruiruo wan ve oke ro vwo reyo vwo ruiruo? Ihwo re davwengba re ayen vwo vwerokere iruemu ri Jihova, re je vwerosu, yen o reyo vwo ruiruo.—Fil. 4:13.

⁶ Ikpe ujin evo vwo wan nu, Jihova da reyo Bazillai vwo vwe ukecha ke Ovie Devid. “Owevwe hwe [Devid ve ihwo royen], oma ghwo ayen urhuru re ame hwe ayen,” oke re ayen vwo dje ke omori Devid re se Absalom. Bazillai ro ghwo oke nana de phi arho royen ve o re ihwo efa phiyo edia imuoshoro vwo reyo ukecha vwo ke Devid ve ihwo royen. Bazillai niro ne oyen ghwo, otioyena o rhe vwo obo ri Jihova cha reyo oyen vwo ru-u? Ejo, o reyo obo ro vwori eje vwo vwe ukecha ke idibo re Oghene. (2 Sam. 17:27-29) Die yen avwanre yonori? Otoro edje re avwanre-e, Jihova sa reyo avwanre vwo ru odavwe ri iniovo re avwanre rehe ekogho re avwanre dia yere asan efa. (Ise 3:27, 28; 19:17) O da tobo diane avwanre cha sa vwomakpahoto vwo vwe ukecha ke aye-en, e se ru itetoro vwo ke iruo re akpoje rere a mre igho na vwo ru odavwe ri iniovo na vwe oke ve asan re ayen da guono.—2 Kor. 8:14, 15; 9:11.

⁷ Jihova ve ke Simion, oshare ro fuevun ro je kpa-

6. Die yen avwanre yono vwo ne idjerhe ri Jihova vwo reyo Bazillai vwo vwe ukecha ke Ovie Devid?

7. Idjerhe vo yen Jihova vwo reyo Simion vwo ruiruo, ke mavo yen oyena phiudu phiyo avwanre avo?

kore vwe Jerusalem ne, o cha mre Mesaya na tavwen o ki ughwu. Ive yena ghene bon Simion gan mamokidie ikpe buehun rhire na yen o vwo herhe Mesaya na. Jihova hwoa ke fikire esegbuyota ve akonechiro royen. Ede ovo, “[“ewen ofuanfon,” NW] na de muo” rhe uwevwi re ega na. Etiyin Simion da mre omoboba na Jesu, Jihova de muo vwo ta eta aroemre ri shekpahen omoo na ro cha dia Kristina. (Luk 2:25-35) Dede ne, o sa diane Simion ton te asan ro da mre Mesaya na oke ro vwo ruiruo re aghwoghwo roye-en, je oma vwerhenro fikire uphen yena, ebruphiyo efa je herhe vwe obaro na! Vwe akpo kpokpo na oshare yena ro fuevun na cha mre obore usuon ri Jesu cha ghwa ebruphiyo rhe orua re ihworakpo eje. (Jen. 22:18) Oma je sa vwerhen avwanre fikire uphen re ega ri Jihova vwo ke avwanre.

⁸ Vwe egbukpe ujin esosu, oshare ovo ro ruese mamore se Josef vwomakpahoto rere Jihova reyo vwo ruiruo. (Iruo 4:36, 37) Kidie ne a rien Josef phiyo ohwo ro naboo vwe uchebro vwo ke ihwo efa, iyinkon na de se Banabas, ro mudiaphiyo “Omoo re Obruche.” Kere udje, oke ri Sol vwo kurherie nu, oshoo mu buehun re iniowo na ayen vwo bro ra, fikire uruemu royen ri jowwo ro vwo mukpahen ukoko na.

8. Mavo yen Jihova sa reyo avwanre vwo ruiruo kere Banabas?

Èkèvuòvo, Banabas da rhe vwe ukecha vwo ke Sol, o muero ne oma nabò vwerhen Sol fikire ukecha royen na. (Iruo 9:21, 26-28) Oke vwo yanran, ekpako rehe Jerusalem da rhe mrevghe ne ofori re vwo phiuduphiyawo re iniowo re dia asan oshesheri vwe Antiok ri Siria. Ono yen ayen jere vwo ke oyan na? Banabas! Ayen riennre je. A da vwe avwanre ne, Banabas “de bru ayen uche rere ayen nabò mudia gan vwi iruo re Orovwohwo na.” (Iruo 11:22-24) Otioyen o je hepaha nonena ne Jihova je sa nerhe avwanre dia “omò re obruche” vwo ke iniowo re avwanre. Kere udje, o sa nerhe avwanre dia obruche vwo ke ihwo re ihwo re ayen vwo eguono kpahen ghuru. O je sa nerhe avwanre ta eta esiri vwo ke ohwo ro muoga yere ohwo re ewen royen kuoronre womare a vwo kon bru ohwo na ra yere vwe ifonu vwo se. Wo sa vwe uphen ke Jihova ne o reyo owe vwo ruiruo kere Banabas?—1 Tes. 5:14.

⁹ Jihova vwe ukecha vwo ke oniowo oshare ovo re se Vasily vwo dia uvi okpako. Oke ri Vasily vwo he egbukpe 26 yen a vwo reyo vwo mu okpako. Osho muro ne oyan cha sa vwe ukecha phia vwe ukoko na-a, marho vwo ke iniowo ri hirharoku ebenben. Èkèvuòvo, o yono mie ekpako re ga krere vwevunre

9. Die yen avwanre yono vwo ne idjerhe ri Jihova vwo vwe ukecha ke oniowo Vasily ro sa vwo dia uvi okpako?

ukoko na, o ji kpo Isikuru re Ekpako ve Idibo Owian. Vasily wianre gangan vwo ru yovwinphiyo. Kere udje, o de si eronvwon evo ro cha tenrovi phiyoto. Ro vwo yanmwe ayen memerha na, udu royen ko rhe gan. O da ta: “Obo ri nerhe osho mu vwe oke yena koyen ke vwe aghogho enena. Oma vwerhen owe siere Jihova da chon vwe uko vwo vwe ekpo ri Baibol ro shephiyo vwo vwe ukecha ke iniovo rehe ukoko na.” Iniovo, owan da vwe uphen ke Jihova ne o reyo owan vwo ruiruo kere Vasily, o sa ke owan egba re owan vwo mu eghwa ehogho vwevunre ukoko na.

OBO RI JIHOVA REYO EYA VWO RU

¹⁰ Devid ve isodje royen guono ukecha oke re Ovie Sol vwo reyo vwotua ayen. Isodje ri Devid da vwe oshare re Izrel ovo re se Nabal ne o ke ayen emuore. Ayen niro ne ayen sa yare emuore mie kidie ayen nenire sero re igegede royen vwevunre aton. Ekevuovo, Nabal ro ovwurhuru na rhonvwe ke ayen emu vuovo-o. Ophu de mu Devid mamọ, o da jiro-ro ro vwo hwe Nabal ve eshare rehe evwruwevwin royen. (1 Sam. 25:3-13, 22) Ekevuovo, Abigail ro dia aye ri Nabal, ohwo ve oniso ro ji vwo erhuvwu. Abigail fiudugberi, o de shigwe vwe obaro ri Devid ro vwo re ne o hwe Nabal ve eshare roye-en. O vwe

10. Die yen Abigail ruru, ke die yen wo yono ne udje royen rhe?

aghwanre vwe Devid ne o yanje eronwɔn eje vwo ke Jihova. Eta re Abigail na kugbe aghwanre ro djephia te Devid ewen mamɔ. O mrevughe ne Jihova yen jiro rhe. (1 Sam. 25:23-28, 32-34) Abigail vwe iruemu re nerhe Jihova reyo vwo ruiruo. Inenikristi ri dia eya de vwo aghwanre ve oniso kere Abigail, Jihova je sa reyo ayen vwo bon erua ve ihwo efa gan vwevunre ukoko na.—Isɛ 24:3; Taitos 2:3-5.

¹¹ Ikpe ujin bue bun vwo wan nu, emete ri Shallum usun re ihwo ri Jihova reyo vwo ruiruo re erhomabon ri igbehe ri Jerusalem. (Neh. 2:20; 3:12) Dede ne ose rayen omɔ re ovie, je emete ri shallum na vwo owenvwe re ayen vwo ruiruo yena ro benre ro je von ve egbabose na. (Neh. 4:15-18) Vwo fene ayen, ehonwore ri Tekoa “phi iroro re ayen phiho iruo” na-a! (Neh. 3:5) Vwero roro obore oma vwerhen emete ri shallum te, oke re vwo ruiruo na re vwe ede 52 ovo! (Neh. 6:15) Nonena, oma vwerhen iniowo eya re ayen vwo vwobo vwe iruo re ebanbon ve eroevwote re iwevwin ra da vwe ega vwo ke Oghene. A guono ona, oruru, ve evun-efun re iniowo eya nana rere e se vwo phikparobo vwe iruo na.

¹² Jihova reyo Tabita ro dia “oruɛse” ro je dia

11. Die yen emete ri Shallum ruru, ke amono yen vwerokere ayen nonena?

12. Mavo yen Jihova sa vwo reyo avwanre vwo ruiruo kere Tabita?

ohwo ro vwo “uruemu esiri” vwo vwe ukecha ke ihwo, marho ke eyauku. (Iruo 9:36) Fikire uruemu esiri ve ese-eruo royen na, buebun da vie oke ro vwo ghwu. Ekevuovo, oma vwerhen ayen gangan oke re oyinkon Pita vwo rhovwon ne ughwu. (Iruo 9:39-41) Die yen avwanre yono mie Tabita? Owene avwanre dia ighene yere emare, eshare yere eya, a sa vwe ukecha ro fori vwo ke iniowo re avwanre.—Hib. 13:16.

¹³ Oniowo aye ovo re omavua re se Ruth guono dia imishonare. Ro vwo he eghene, o vwobo vwe iruo re ne uwevwin kpe uwevwin je itrati yen o ma ghara. O da ta: “Oma re iruo nana vwerhen ovwe.” Ekevuovo, o ben ke oniowo na ro vwo ghwoghwo ota vwe anurhoru ji vwe ihwo efa kpahen Uvie re Oghene. Dede ne oma vua Ruth, oke ro vwo he egbukpe 18, o da rhe dia okobaro okieje. Vwe ukpe ri 1946, o de kpo Isikuru ri Gilead je ga vwe Hawaii ve Japan. Jihova reyeru vwo ghwoghwo iyenren esiri na mamu vwe ekuoto yena. Oniowo Ruth vwo ghwo ghwo omare egbukpe 80 vwe iruo re aghwoghwo na nu, o da ta: “Jihova bicha vwe mamu. O chon vwe uko vwo phi omavovwe me na kparobo. O mu vwe ero den ne Jihova sa rey o kohwo kohwo ro vwerosu vwo ruiruo.”

13. Idjerhe vo yen Jihova vwo rey oniowo Ruth vwo ruiruo, ke die yen o tare?

JIHOVA CHA KẸ WẸ
“OWENVWE VẸ ẸGBA
WO VWO RUIRÙO”

FILIPAE 2:13



- ◀ Wọ da vwomakpahoto, Jihova sa nerhe wọ dia oghwoghwota ro vwo oruru, uvi oyono, obruche, ugbeyan, owena re owian, yere dia kemu kemu ro guonore o se vwo ru ohore royen gba (Ni ekoreta 14-16)
-

JĘ JIHOVA REYỌ OWĘ VWO RUIRUO

14 Jihova reyọ idibo royen vwo ruiruo vwe idjerhe sansan vwe ikuegbe re ihworakpo re. Die yen o cha chon we uko vwo ru? Wewe yen cha vwomakpahoto rere o sa vwo reyọ owę vwo ruiruo. (Se Kolose 1:29.) Wọ da vwomakpahoto, Jihova sa nerhe wọ dia oghwoghwota ro vwo oruru, uvi oyono, obruche, ugbeyan, owena re owian, yere dia kemu kemu ro guonore o se vwo ru ohore royen gba.

15 Ke, owan ighene re eshare re ghanre cha na vwo? A guono eshare re sasare re cha vwe ukęcha phia vwe ukoko na kere idibo owian. Vwe ikoko buebun ekpako rehe evunre rayen bun vren idibo owian. Owan ighene na se dje owenvwe re owan phia re owan vwo mu eghwa efa vwevunre ukoko na? Okievo iniowo eshare evo me ta: “Edia re me da ga kere

14. Vwo nene obo rehe Kolose 1:29, die ofori ne avwanre ru rere Jihova sa vwo reyọ avwanre vwo ruiruo?

15. Kirobo re 1 Timoti 4:12, 15 tare, die yen ighene eshare sa vwe Jihova ne o ru ke ayen nonena?

oghwoghwota na te kẹ vwe.” Ọ da dia ọtiyẹn yen wo roro, nẹhovwo rhe Jihova nẹ ọ chọn wẹ uko vwo muwan wọ vwo ga kere odibo owian, je vwe nẹ ọ kẹ wẹ ẹgba wo vwo ru obore ẹgba wẹn teri eje vwe ẹga royen. (Aghwo. 12:1) Avwanre guṅṅo ukecha re ovwan!—Se 1 Timoti 4:12, 15.

¹⁶ Jihova sa nẹhẹ wọ dia kemu kemu rọ guṅṅore rere ọhore royen se vwo rugba. Ọtiyena, gba nẹhovwo kẹ nẹ ọ kẹ wẹ *owenvwe* vẹ *ẹgba* wo vwo ruiruo royen. Owene avwanre dia ighene yere emare, ofori nẹ a reyo oke, ẹgba, kugbe ena re avwanre vwo brogho phiyo Jihova oma enena. (Aghwo. 9:10) Wo je osho yere ewen re mi muwa-an, nẹhẹ wo kue uphen oghanhanre wo vwo ru obore ẹgba wẹn teri vwe ẹga ri Jihova kufia-a. Okpuphen yen avwanre vwori re vwo ru kemu kemu re ẹgba avwanre teri re vwo brogho ro fori phiyo Ose re avwanre oma!

16. Die yen avwanre cha nẹhovwo rhe Jihova kẹ, kẹ diesoro?

DIE YEN ẸKPAHONPHIYO WEN?

- | | | |
|---|--|--|
| ■ Idjerhe vọ yen Jihova vwo kẹ avwanre ẹgba ra sa vwo ga? | ■ Udje re ohwo vọ re djunute vwevunre uyono nana yen wọ guṅṅo vwerokeri, kẹ diesoro? | ■ Owenvwe vọ yen a guṅṅore nẹ ighene eshare vwo? |
|---|--|--|

Jihova Ọvo Wọ Ga

*“E siro nẹ, Ọrovwohwo Ọghẹnẹ ọye wo shiguẹ kẹ,
ọye ọvo wọ je ga.”—MAT. 4:10.*

UNE 51

Avwanre Vwomakpahoto kẹ Ọghẹnẹ!

ỌDJĘKOKO

Oma ra vwọ ga Jihova vwerhen avwanre. Ẹkẹvuovo, Jihova ọvo yen avwanre ghene vwe ẹga kẹ? A sa mre ẹkpahonphiyo re onọ onana womare orhiẹn-ebro re avwanre. E je roro kpahen ẹdia ive kiriguo vwe akpeyeren re avwanre ro sa chon avwanre uko vwọ riẹn se Jihova ọvo yen avwanre ghene ga.

JIHOVA ọvo yen ofori ne a ga kidie ọyehe Ọme-
mama kugbe Ohwo ro ke avwanre arho. (Evwọ. 4:11)
Ekevuovo, imuoshọ ọvo herọ. Dede ne avwanre vwo
eguono ri Jihova ji muoghọ ke, eronvwon evo se
gbowophiyọ ẹga ososo re avwanre vwo ke. Ofori
ne a rien obore onana sa vwo phia. Esosu, e ja
fuere obo ro mudiaphiyọ ra vwo vwe ẹga ososo ke
Jihova.

² Vwe Baibol na, a vwo vwe ẹga ososo ke Jihova
mudiaphiyọ eguono okokodo re vwo kpahon. Avwan-
re da ga Jihova ọvo, koyen a vwe ẹga ososo vwo ke.
Avwanre je cha rhonvwe ne ohwo yere oronvwon
vuovo gbowophiyọ ẹga ra vwo ke Jihova-a.—Se
Matiu 4:10.

³ O vwo oboresoro avwanre vwo ga Jihova ọvo.
Diesoro a vwo ta otioyen? Kidie obo re yono kpa-
hen Jihova yen muẹ avwanre vwo ga. Avwanre vwo
eguono kpahen iruemu iyoyovwin royen. Avwanre je
rien obo ri je kugbe obo ri tuoma. Avwanre vwo eru
re ohore ri Jihova ji biẹcha. Oma vwerhen avwanre
kidie o ke avwanre uphen ra vwo dia ugbeyan royen.
(Une 25:14) Kemu kemu avwanre yono kpahen Ọme-
mama na sie avwanre kerephiyo.—Jems 4:8.

-
1. Diesoro ro vwo diane Jihova ọvo yen fo ohwo ra ga?
 2. Vwo nene obo rehe Matiu 4:10, die yen e che ru siere avwanre da guono vwe ẹga ososo ke Jihova?
 3. Diesoro a vwo ga Jihova ọvo?

⁴ Eshu yen suɛn akpɔ na, ɔtiɔyena ko ruo rere ihworakpɔ vwo no nɛ ekuakua rɛ akpeyeren yen ma ghanre. Ɔ je nɛrɛ ayen nenesi rɛ ojevwe rɛ ugboma. (Efe. 2:1-3; 1 Jɔn 5:19) Eshu ru ɔnana rere ɛguɔnɔ rɛ avwanre vwo kpahen Jihova vwɔ dia ɔ rɔ ghare. E ja fuɛrɛn idjerhe ivɛ rɛ Eshu vwo ruɛ ɔnana. Ɛsосу, Eshu guɔnɔre nɛ avwanre vwɔtua efe, ɔrive, Eshu guɔnɔre nɛ avwanre ni ighe ri she-phiyɔ-ɔ.

KɛNOMA Kɛ ƐGUɔNɔ Rɛ IGHO

⁵ Avwanre eje guɔnɔ re omamɔ emu, ku omamɔ iwun phiyɔ je dia omamɔ uwewwin. Jɛ ofori nɛ e no-maso rere a kɛnoma kɛ ɛguɔnɔ rɛ ighe. Ihwo buebun nonɛna “guɔnɔ ighe nɔ,” ɔtiɔyen ji te ekuakua rɛ akpeyeren. (2 Tim. 3:2) Jesu riɛnre nɛ idibo royen se ji vwo ɛwɛn tiɔyena. Koyensorɔ rɔ vwɔ ta: “Ohwo sa ga inini ivɛ-ɛ, ɔ da dia ɔtiɔye kɔ dia avwebɔ kɛ ɔvo, ɔ me rha dia avwiorɔvwe kɛ ɔrive; eye ko si kɛre ɔvo ko sheri kɛ ɔrive: Wɔ sa ga Ɔghɛnɛ vɛ [Efe] kugbe-e.” (Mat. 6:24) Odibo ri Jihova rɔ ghwɔrɔ ɔke buebun vɛ ɛgba royen phiyɔ onɛdjɛ rɛ efe, ga inini ivɛ. Eriyina, a cha sa tanɛ Jihova ɔvo yen oniɔvo tiɔyena ga-a.

4. (a) Die yen Eshu vwo ruiruo rere ɛguɔnɔ re vwo kpahen Jihova vwɔ ghare? (b) Die yen a cha fuɛrɛn vwɛ uyono nana?

5. Diesorɔ re vwo nomaso kpahen ɛguɔnɔ rɛ ighe?

⁶ O mare oba re egbukpe ujoin esosuo, iniovo rehe ukoko ri Laodisha ke yoma: “Mi feri, o yovwi ke vwe, emuovo kare ovwe-e.” Ekevuovo, vwe ero ri Jihova ve Jesu, dake ayen ovuovo “orharhe re ohwo fafanhie dodi, ovwiogbere, re ehrore roye re ohwo, orhuero, ro ban phiho.” O dia Jesu vwe oghwoku yena ke ayen kidie ne ayen feri-i, je kidie ne eguono re ayen vwo kpahen igho gbowophiy oyerinkugbe rayen ve o ri Jihova. (Evwo. 3:14-17) Avwanre de ghwe noso ne eguono re igho shoro ro ubiudu avwanre, ofori ne a jowo re vwo siono kpakpata. (1 Tim. 6:7, 8) Avwanre rhe ru otioye-en, udu re avwanre ko cha ghare, Jihova rhe che rhiaboreyo ega re avwanre-e. Jihova oyen “Oghene ro rioma,” otioyena o guono ega ososo. (Urhi 4:24) Mavo yen eguono re igho sa vwo shoro ro ubiudu re avwanre ememerha?

⁷ Roro kpahen udje re okpako ovo re se David, ogbowian ro dia United States. O tare ne oyen muomaphiy iruo royen na gangan. Kidie ne o tona re iruo na mamọ, noke ra ruoke koyen e vwo phieba osa royen. O titiri mamọ vwe ikopini na kugbe asan efa vwe ekuoto na. David da ta: “Okievo, ki mi roro ne efe me na, oyen odjephia re ebruphiyo ri Jihova.” Oyena ghini uyota?

6. Die yen avwanre se yono vwo ne oghwoku ri Jesu vwo ke ukoko ri Laodisha?

7-9. Die yen wo yono vwo ne udje re okpako ovo re se David?

⁸ Ememerha na, David de rhi noso ne owian royen na gbowo phiyo oyerinkugbe royen ve Jihova. O da ta: “Okiovo, me sa dia evunre uyono ve iruo aghwoghwo na ji mi roro kpahen ebenben re iruo me. Okposa yen a hwa ke vwe, dedena je ofu ji dje vwe, omavwe-rhonvwen jehe orua me-e.”

⁹ David de rhi noso ne ofori rere oyen brorhiyen re obo re ma ghanre vwe akpeyeren royen. O da ta: “Mi de brorhiyen re me vwo rhuere ebenben na phiyo.” David guono rhuere oke iruo royen na phiyo, otioyena o da vwe iroro royen vwo ne oga royen. Die koyen rhe



ERO RE INIOVO EVO
VWE LAODISHA VWO NI
OMA RAYEN. . .

. . . KUGBE ERO RI JIHOVA VE
JESU VWO NI AYEN
(Ni ekorota 6)



phia? Oga na da dje vwo ne iruo. Ke, die yen o ruru? O da ta: “Ede ro vwo kpahon, me da reyọ okobaro ubroke ri rhinrin.” Iruo re orufon vwe uwevwin rode ovo koyen David ve aye royen rue vwo vwerote oma rayen. Okievo vwo wan nu, David da rhe ton iruo re okobaro okieje phiyo, oke vwo yanran, aye royen da je rhe vwomaba. Aye gbe oshare nana brorhiẹn re ayen vwo ruiruo re ihwo niri kueku, ekevuovo, o dia iruo na yen ma ghanre ke aye-en. Dede ne osa ra hwa ke ayen enena vwe eken ihwe vwo hanvwe no o ri jowwo, je o ji te ayen vwo vwerote oma rayen kemeranvwe kemeranvwe. Ayen guono phi Jihova phiyo edia esosuo vwe akpeyeren rayen, onana da rhe nerhe ayen mrevghe ne Jihova ghene vwerote ihwo re vwe Uvie na kobaro.—Mat. 6:31-33.

¹⁰ Owene e feri yere e feri-i, ofori ne a sero re ubiudu re avwanre. Vwe idjerhe vo? Wo vwo egono re efe-e. Wo je vwe iruo wen vwo kobaro ke ega ri Jihova-a. Mavo wo sa vwo rien se onana phia ke we re? No oma wen: ‘Okieje mi vwo roro iroro re iruo oke me da he uyono yere iruo aghwoghwo? Me ro enwan kpahen obore mi se vwo fe vwe obaro na? Igho ve ekuakua re akpeyeren so eghwo vwe uvwre me ve aye me? Mi se ruiruo re ihwo niri kueku rere me sa vwo mre oke buebun ghwo vwe ega ri Jihova?’ (1 Tim. 6:9-12)

10. Mavo yen avwanre sa vwo sero re ubiudu avwanre?

Ọke re de roro kpahen enọ nana, e jẹ avwanre karo-phiyo nẹ Jihova vwo ẹguṅṅọ rẹ avwanre, o ji ve ive nana ke ihwo re fuevun ga: “Me sa phien wẹ-ẹ eye me sa sen wẹ-ẹ.” Ọnana yen sorọ oyinkon Pọl vwo si nẹ, “Si oma wẹn nẹ urhuru si vwe rẹ igho.”—Hib. 13: 5, 6.

VWE AGHWANRE VWO SANE IGHE RU WO NE

¹¹ Jihova guṅṅore nẹ avwanre riakpo kuoma. Ughe eno oyan idjerhe ovo re vwo ru otioyen. Vwo rẹ uyota, Ota rẹ Ọghẹnẹ tare nẹ, “Emu ofa rha herọ ro yovwi ko ohwo-o jokpa nẹ o gba re rere o da, rere o mre avwe-rhe rẹ owian roye.” (Aghwo. 2:24) Ekevuovo, buebun rẹ ighẹ rẹ akpo nana se miovwo avwanre. E nẹrhe ihwo vwe ẹro phovwin vwo ni iwan rẹ omamo uruemu, je tobo nẹrhe ayen rhiaboreyo eronwon ri Baibol na senre.

¹² Jihova ovo yen avwanre guṅṅọ vwe ẹga ke, otioyena avwanre cha “sa da [vwe] uko rẹ Ọrovwohwo ve uko rẹ Idebono kugbe-e.” (Se 1 Korẹnt 10:21, 22.) A ve ohwo vwo riemu kugbe oyan oka rẹ ugbeyan. Avwanre da sane ighẹ ri titi ozighi, uruemu rẹ orhan,

11. Die yen cha phia ke avwanre siere e de ni erharhe ighẹ rẹ akpo nana?

12. Vwo nene obo rehe 1 Korẹnt 10:21, 22, diesoro a vwo vwe aghwanre sane ighẹ rẹ avwanre nẹ?



ofanrhiẹn, yẹrẹ ojevwe rẹ ugboma vẹ efa, koyen avwanre riemu vwe emeje rẹ ivwighrẹn rẹ Oghẹnẹ. E de ru ọtioyen, ọ dia oma avwanre ọvo yen a cha so omaẹwan ke-ẹ, e ji che miovwın oyerinkugbe rẹ avwanre vẹ ọ ri Jihova.

¹³ Roro kpahen idjerhe evo kiriguo rẹ ighe eno vwọ hohọ emuọre. Avwanre da cha riemu, e se sun obo re che phi phiyo unu. Ekevuovo, siere e de rhivworọ nu, e rhe che se sun obo ro che ru vwe ugboma na ofa-a. Omamọ emu nerhe e vwo omakpokpo, orharhe emu nerhe ohwo muoga. Je, a cha ghwa sa mre owian rẹ emu na vwe oma avwanre ason hrọke-e.

13-14. Kirobo ri Jems 1:14, 15 tare, diesoro a vwọ jomaoto kpahen oka rẹ ighe rẹ avwanre ne? Djudje ovo.



Ono yen ru
ighe ru wo ne?
(Ni ekoreta 11-14)

¹⁴ Ọtiọyen ọ je hepha ne, avwanre se sun oka ighe re avwanre ne. E de rhi ni ayen nu, ememerha na, obore avwanre niri na ki che sun iroro ve iruemu re avwanre. Omamọ ighe sa nerhe udu avwanre sasa; ekevuovo, erharhe ighe sa so omaewan ke avwanre. (Se Jems 1:14, 15.) Avwanre che ghwe se vwo oniso re umiovwo re erharhe ighe tiọyena ghwa cha enena-a, ekevuovo oke vwo yanran na, e cha vwomaphia. Ọyensoro Bai-bol na vwo ta: “Wo ja phien we-e, a vwe Ọghene je hwewe, kidie okankon ke okankon re ohwo konre, oye o ji che vun rhe. Kidie, ohwo ro kon ke ugboma roye ọ je cha dia evun re ugboma de vun ughwu.” (Gal. 6: 7, 8) Ọtiọyena, ọ ghanre mamọ ra vwo sen ighe ri titi eronvwon ri Jihova vwo utuoma kpahen!—Une 97:10.

¹⁵ Idibo ri Jihova buebun riavwerhen re eno re emamo ighe vwe JW Broadcasting® ro dia televishoni rohe websaiti avwanre. Oniowo aye ovo re se Marilyn da ta: “Ighe ri mi ne vwe JW Broadcasting nerhe oma vwerhen ovwe kidie ighe na eje pha yoyovwin. Oke re ofu de dje vwe, ke me guono ughe re Ega Urhioke ovo ne, ro cha bon vwe gan. Onana si vwe kere Jihova ve ukoko royen. Orhuererhiyoto nana wene akpeyeren me mamọ.” Wo mre erere vwo ne orhuererhiyoto nana ro ne obo ri Jihova rhe na? Vwoba Broadcasting kpokpo ri kemeranvwe kemeranvwe na, uhoro ve ividio sansan, kugbe ine evwevwerhen re bon ohwo gan je heru ru wo se ni koke koke.

¹⁶ Ofori ne avwanre jomaoto kpahen *oka* re ighe re ne kugbe *uchoke* ra ghoro vwo ni ayen. E rhe ru otioye-en, a cha ghoro oke ofori ne a vwo ga Jihova phiyọ ighe eno. Ihwo buebun mre benben re ayen vwo sun uchoke re ayen ghoro phiyọ ighe eno. Oniowo aye ro dia eghene rohe egbukpe 18 re se Abigail da ta: “Ughe eno ri TV yen me vwo dioto ovwonvwon re mi de kuobo re owian ede na phiyoto nu. Je, mi rhe no-maso-o, me sa ghoro inoke buebun phiyọ ughe eno na.” Oniowo eghene ofa rohe egbukpe 21 re se Samuel da ta: “Me rhe mrevghe ne ividio kren kren ri mi ne

15. Oke vo yen Jihova vwo ke avwanre?

16-17. Diesoro o vwo fo ne e sun uchoke ra ghoro phiyọ ughe eno, ke mavo e se vwo ru otioyen?

vwe intaneti rhe vwoba-a. Me sa vwe otete ovo vwo tuonphiyo, je besie mi vwo ni, me ghwo ro inoke erha fie iyorin phiyo re.”

¹⁷ Mavo yen e se vwo sun uchoke ra ghwo ro phiyo ughe eno? Esosuo, ka rien uchoke ru wo ghwo ro vwo ni ayen. Davwen owojeje nana vwe udughwen ovo. Si inoke ru wo ghwo ro vwo ni TV, hie itaneti yere te ividio gemu vwe ifonu wen phiyo ikalenda. Wo de no ne oke ru wo ghwo ro ghini bunu, gba davwen re wo si obore wo cha ghwo ro oke wen wan phiyoto. Rhuere oke ke eronwon re ma ghanre tavwen, wo ke rhuere oke ru wo che vwo ni ughe. Wo de ru oyena nu, gba yare ukecha ri Jihova rere wo sa vwo yan nene orhuerephiyoto wen na. Onana cha nerhe wo mre oke vwo ru uyono ri Baibol romobo, ega orua, kpo uyo-no ji vwobo vwe iruo aghwoghwo na. Oke yena, udu rhe che bru we siere wo de ni ighe-e kidie wo ghwo ro oke ro me bun phiyo ega ri Jihova re.

BRORHIEN WO VWO GA JIHOVA OVO

¹⁸ Oke re oyinkon Pita vwo si kpahen oghwo ro re akpo re Eshu kugbe echa re akpo kpokpo na nu, o da ta: “Imoni, re owan vwo herhe onana na, gbe je oruru yena dia owan oma rere upe eye ekan vwo je owan oma edia, re owan dia vwe ufuoma.”

18-19. Mavo yen e se vwo djephia ne Jihova ovo yen avwanre cha ga?

(2 Pita 3:14) Siere avwanre de nene uchebro yena je davwengba vwo yeren akpo ji ga Jihova vwe idjerhe ro rhonwephiyo, koyen avwanre djephia ne Jihova ovo yen avwanre ga.

¹⁹ Eshu ve akpo ro suen na cha davwengba vwo nerhe avwanre phi eronwfon efa phiyo edia resosuo ukpere Jihova. (Luk 4:13) Otoro ebenben re avwanre hirharoku-u, avwanre cha rhonwwe ne oronwfon vuovo reyo edia ri Jihova vwe akpeyeren avwanre-e. Avwanre brorhiyen ra vwo ga Jihova ovo, kidie oyen ovo kpoi yen muwan re ega avwanre!

IDJEDJE RE IHOHO Arube 50-51: Avwanre cha rhonwwe riemu re chereri vwe ukoni ro pha gbegbe-e. Otioyena diesoro re avwanre vwo ni ighe ri titi ozighi, uruemu re orhan yere ofanrhiyen?

DIE YEN EKPAHONPHIYO WEN?

- Die yen o mudia-phiyo ra vwo vwe ega ososo vwo ke Jihova?
- Mavo yen ero re vwo ni ighe se vwo djobote eguono re avwanre vwo kpahen Jihova?
- Mavo yen oka ighe re avwanre ne se vwo gbowophiyo ega ososo ra vwo ke Jihova?

1919

ĘGBUKPE UJORIN ỌVO RỌ WANRE

VWĘ ukpe ri 1919 Ofovwin Rode (ra rhe riẹn phiyo Ofovwin rẹ Akpeje I), ro sioto vwẹ ikpe re vrẹ ẹn de rhi vwoba. Vwẹ ukpe ri 1918, ẹkuoto ri vwobo vwẹ ofovwin na da rhe dobo rẹ ofovwin na ji. Ọtiọyena, vwẹ January 18, 1919, aguare rẹ ufuoma re ruru vwẹ Paris (Paris Peace Conference) da tonphiyo. Oronwọn ovo rẹ aguare yena ru wiẹn yen obo rẹ orhuẹrẹkugbe rẹ ufuoma rẹ ayen ghwobophiyo re se Treaty of Versailles, ro rhi phioba phiyo ifovwin rẹ ẹkuoto buebun vẹ Germany phiri na. A ghwobophiyo obo rẹ orhuẹrẹkugbe rẹ ufuoma na vwẹ June 28, 1919.

A je vwẹ ukoko kpokpo re se League of Nations vwo mu vwẹ aguare yena. Ọdavwẹ rẹ ukoko na oyen “re vwo titi orukugbe rẹ ẹkuoto na eje, je ghwa ufuoma vẹ ofuvwegbe rhe akpọje.” Ẹga buebun bicha ukoko kpokpo yena. Ukoko re se Federal Council of the Churches of Christ rọhẹ America tare nẹ oyehe “Uvie rẹ Ọghẹnẹ ro suẹn womarẹ ihworakpo.” Ukoko yena je

ihwo kpo aguare re ufuoma re ruru vwe Paris re ayen vwo djephia ne ayen bicha League of Nations na. Owo usun re ihwo re ji yanran na da tane aguare yena “otonphiyo re eyeren kpokpo vwe ikuegbe re ihwo-rakpo.”

Onana ghene ottonphiyo re eyeren kpokpo, ekewuovo, o dia ihwo re ro aguare re ufuoma yena yen tonrophiyo-o. Vwe ukpe ri 1919 eyeren kpokpo vwe iruo aghwoghwo na da rhe tonphiyo vwe oke ri Jihova vwo vwe egba vwo ke ihwo royen vwo ghwoghwo ota na vre obo ri jovwo. Je esosuo, a guono ewene oghe-resan vwe edia re Emoyuono re Baibol na.


ORHIEN-EBRO RO PHA BENBEN

A rhuere esano re iniowo re vwerote Watch Tower Bible and Tract Society re ruere kukpe kukpe phiyo Saturday, January 4, 1919. Oke yena, e mu Joseph F. Rutherford ro dia ochidiagbara re ukoko na ve iniowo ighwren efa ekueku phiyo uwodi vwe Atlanta, Georgia, U.S.A. Ono ro vwomaphia kona: A rhoma sano iniowo nana re mu phiyo uwodi na phiyo edia rayen? Gbane a vwe ihwo efa vwo wene ayen?

Oniowo Rutherford ro enwan kpahen obo re cha phia ke ukoko na oke ro vwo he uwodi. O riene ne iniowo evo guonore ne a vwe ohwo ofa vwo wene oyen. Otioyena, o de si obe vwo rhe iniowo na ri koko-

ri nẹ ọyen jiri Evander J. Coward vwọ kẹ ẹdia rẹ ochi-diagbara na. Rutherford tare nẹ Coward ọyen ohwo rọ pha “dẹdẹn,” “o vwo aghwanre” ọ ke je “fuevun kẹ Orovwori na.” Ẹkẹvuọvo, iniọvo efa rhonvwephiyo ọyena-a, ayen nẹ a kpare ẹsanọ na kpo emeravnwe esan rọ cha na. Iloya ri chochon rẹ iniọvo re mu phiyo uwodi na da rhonvwephiyo. Ophu mu iniọvo evo mamọ ọke ra vwọ ta ota na.

Ọtiọyena, emu ọvo da rhe phia rẹ Oniọvo Richard H. Barber djise ọyen kere ‘ame re ku kẹ erhanre.’ Ọvo usun rẹ iniọvo na da ta: “Mẹwẹ dia ilọya-a, ẹkẹvuọvo, a da ta ota kpahen urhi, me riẹn obore evun-ẹfuon mudiaphiyo. Evun-ẹfuon yen





Oniọvo Rutherford ta ota vwẹ oghwẹkoko re ruru vwẹ Cedar Point, Ohio, vwẹ ukpe ri 1919



- A. Joseph F. Rutherford
- B. Evander J. Coward
- C. Richard H. Barber
- D. Alexander H. Macmillan

E. Ẹbe rọ ghwa iyẹnrẹn ro ghwoghwo ota rẹ otu rẹ Oniọvo Rutherford cha ta vwẹ Los Angeles, California, 1919, ro vwo uyovwinrota na “The Hope for Distressed Humanity”

A vintage advertisement for a lecture. At the top, the title "THE HOPE FOR DISTRESSED HUMANITY" is written in large, bold, serif capital letters. Below the title, it says "A Remarkable Lecture Based Upon Biblical Proof— The Message of the Hour—By". The name "Joseph F. Rutherford" is prominently displayed in a large, bold, serif font. Underneath his name, it reads "(Successor to Pastor Russell) President of the I. B. S. A. Sent to Prison for 20 Years for Publishing". To the right of the text, there are three images: a rectangular photo of Rutherford speaking at a podium, another rectangular photo of him gesturing, and a circular portrait of him. To the right of these images, the text "3 P. M. SUNDAY May 4" is written in large, bold, serif capital letters. Below this, it says "SEATS FREE NO COLLECTION". At the bottom, the text "THE FINISHED MYSTERY" is written in a smaller font, followed by "THE AUDITORIUM—Fifth and Olive Sts." in large, bold, serif capital letters. A small paragraph of text at the bottom right reads: "WAR, FAMINE and PESTILENCE have ravished the world. All nations are in distress. Millions are dead. Other millions are in sorrow, and dying. The remedy is certain. This lecture will make glad your heart. Hear it." The letter 'E' is in a blue box at the top right.



F. Iniọvo reḡ Brooklyn, New York, ri mudia obaro re imoto ro mu imagazini re *The Golden Age*

G. Opharo ọbe re *The Golden Age*, reḡosuọ ra teyenphia vwe October 1, 1919

Ọghẹnẹ guṅṅore. Idjerhe rọ marho re se vwo dje evun-ẹfuṅ phia ke Ọghẹnẹ ọyen a vwo rhoma sane Oniọvo Rutherford kerẹ ochidiagbara.”—Une 18:25.

A. H. Macmillan re ji mu phiyo uwodi karophiyo ne vwe ede ro vwo kpahon, Oniọvo Rutherford da vwobo teyen igbehe re uwodi royen, o da ta: “Rien obọ wen phia.” Oniọvo Rutherford da reyo omobe vwo ke. Macmillan vwo mre omobe na, o ghwa rien obo ro mudiaphiyo. Ovuẹ rohe obe na kona: “RUTHERFORD WISE VAN BARBER ANDERSON BULLY VE SPILL

INIỌVO RE VWEṘOTE ERHA REṘOSUỌ ẸGUỌNỌ RE OVWAN.” Ọnana mudiaphiyọ nẹ a rhoma vwe iniọvo re vweṘote ukoko na eje vwo mu ẹdia rayen, Joseph Rutherford vẹ William Van Amburgh je rhoma vwo ẹdia rayen. Kọyen, Oniọvo Rutherford yen ji cha dia ochidiagbara.

E SIOBỌ NẸ AYEN!

Ọke re iniọvo ẹrenren na je vwo hẹ uwodi, Emọ-uyono re Baibol na de fiudugberi ghare ẹbe kẹ ihwo nẹ ayen ghwobọphiyo rere e se vwo siobonu iniọvo na. Ihwo ri vre 700,000 yen ghwobọphiyo ẹbe na. Vwe Wednesday, March 26, 1919, besie a ke vwe obe ra ghwobọphiyo na vwo kẹ igomeṣi, e de siobonu Oniọvo Rutherford vẹ iniọvo icheko na.

Vwe ota ro tare kẹ iniọvo ri rhi dede, Oniọvo Rutherford da ta: “O mu vwe ero nẹ obore avwanre eje rhiromre na che muegbe re avwanre herhe ọke re ebeṣen re cha obaro na. . . . Ọ dia e di vwo si iniọvo re ovwan nẹ uwodi ọvo yen ovwan honre kẹ-ẹ. Ọyena ghwa ẹbere ọvo. . . . Ohonre re ovwan na hwarhie urinrin vwo rhe Jihova, ihwo ri vwobọ vwo mre ebruphiyo gbidiki nẹ evun royen rhe.”

Obo re phiare ọke re vwo mu iniọvo avwanre na phiyo uwodi djerephia nẹ Jihova hẹ obuko rayen. Vwe May 14, 1919, agware re apiri da ta: “E guedjo re iniọ-

vo nana vwe aguare . . . kirobo ro fori ne o dia-a, otioyena a da rhoma wene orhien re edjo na.” Urhi re urhiecho ogangan yen a vwo yonron iniovo na jovwo, o rha dia orhien re edjo na re weneri jovwo-o, mane ode yena ko rhe nene ayen. Urhi vuovo rhe mu ayen ofa-a. Otioyena, Oniovo Rutherford ko sa rhe sero re edia royen kere oguedjo. O chochon re ihwo ri Jihova vwe Aguare Rode re United States abo buebun re vwo siobono nu.

OWENVWE RE VWO GHWOGHWO

Oniovo Macmillan da ta: “O dia avwanre che di chidia rien awo herhe Qrovwori na ne o rhi mu avwanre kpo odjuvwu-u, ukpere otioyen, ofori ne a guono idjerhe vwo rien obore ohore re Qrovwori na ghini hepha.”

Ekevuvovo, iniovo rehe esiri re ukoko cha sa ton iruo phiyọ kirobo re ayen ruru ikpe buebun re-e. Diesoro? Kidie eronvwon re ayen vwo teyen ebe na guoghore vwe uvwre re oke re vwo mu ayen phiyọ uwodi na. Onana nerhe ofu dje iniovo na, evo ki roro se iruo re aghwoghwo na doboji re.

A je cha mre ihwo re cha kerho re Emọ-uyono re Baibol na? Oniovo Rutherford de brorhien ro vwo ta ota re otu ovo ra vwo rien ekpahonphiyọ re ono yena. E che durhie kohwo kohwo. Oniovo Macmillan da ta:

“Ohwo vuovo ra rhe-e, koyen iruo aghwoghwo na re re.”

Ọtiọyena vwe Sunday, May 4, 1919, dede ne Oniọvo Rutherford muọga, o da ta ota re otu ro vwo uyovwinrota na “The Hope for Distressed Humanity” vwe Los Angeles, California. Omare ihwo 3,500 yen kerho re ota re otu na, a da vwe ihwo buebun ne ayen rhivwin kpo. Ede ro vwo kpahon, ihwo ri te 1,500 da rhe. Iniọvo na rien ekpahonphiyo re onọ na re, koyen ihwo *je cha* kerho!

Obore iniọvo na ruru djobote iruo re aghwoghwo re lseri ri Jihova rhi te nonena.

EBUONPHIYO

Vwe *Uwevwin Orherẹ* re August 1, 1919, e de ghwoghwo ne vwe otonphiyo ri September, e che ru oghwekoko re akpoeje vwe Cedar Point Ohio. Clarence B. Beaty ra vwe Baibol yono ro ne Missouri rhe da ta : “Ihwo ejobi vwo ewen re ayen vwo ra.” Iniọvo re vre 6,000 yen kpo oghwekoko na, uchunu re ihwo na vre obo re rhero royen. Oronvwon ofa ro nerhe oghwekoko na vwerhoma ke ihwo re vre 200 ri bromaphiyame vwe umurhie ovo re se Lake Erie.

Vwe September 5, 1919, ro dia ede riyorin re oghwekoko na, Oniọvo Rutherford da vwe “Irive re e ve Oyen Gba Wian” ne a cha rha teyen imagazini

kpokpọ re se nẹ *The Golden Age*.^{*} Imagazini kpokpọ na cha “hwarhię iyẹnren kpokpọ, ji dje obore Baibol na ta kpahen oboresoro e vwo nyo iyẹnren tiọyena.”

A vwe uchebro vwo ke Emọ-uyono re Baibol na nẹ ayen fiudugberi vwe ebe kpokpọ nana vwo ghwoghwo ota. Ileta owo ro dje obo re che ruiruo aghwoghwo na wan da ta: “E je kohwo kohwo ro bromaphiyame re karophiyọ nẹ oyen okpuphen re vwo ghwoghwo. O ji fo nẹ o reyọ uphen ro rhiephyiyọ enena vwo ghwoghwo ke ihwo eje.” Ihwo buebun de rhiaboreyọ edurhie na! Vwe December, imagazini re vre 50,000 yen ihwo durhie phiyọ.

Vwe oba re ukpe ri 1919, a da rhoma rhuere ona re aghwoghwo re iniowo na phiyọ je bon ayen gan. Vwoba, aroemre sansan ri shekpahen ede re oba na de rhi rugba. Oke re odavwini kugbe orufon re ihwo ri Jihova re djunute vwe Malakae 3:1-4 de rhi rugba. Vwe idjerhe re udje, e de rhi si ihwo ri Jihova vwo nẹ oviyen vwo ke “Babilon Rode,” Jesu da je vwe “odibo esiri na” vwo mu.[#] (Evwọ. 18:2, 4; Mat. 24:45) Enena, Emọ-uyono re Baibol na muegbe vwo ke iruo ri Jihova guonore nẹ ayen ru.

^{*} E wene ode re *The Golden Age* kpo *Consolation* vwe ukpe ri 1937, e de rhe wene kpo *Awake!* vwe ukpe ri 1946.

[#] Ni *Uwevwin Orherẹ* ri July 15, 2013, arube 10-12, 21-23; March 2016, arube 29-31.

Uyono 40: December 2-8	2
Muomaphiyọ Iruo Ẹga na Vwe Okuphiyọ re “Oba re Ẹde Na”	
Uyono 41: December 9-15	16
Fuevun Vwe Uvwre Ọke re “Ukpokpogho Rode Na”	
Uyono 42: December 16-22	30
Die Yen Jihova Sa Nerhe Wo Dia?	
Uyono 43: December 23-29	43
Jihova Ọvo Wo Ga	
1919—Ẹgbukpe Ujorin Ọvo ro Wanre	55

UHOHO RỌHE OPBARO ỌBE NA:

Chekemerha Jesu ve ituofovwin ve obodjuvwu ke cha ghwove iwighven
ve Ọghene vwe ofovwin ve Amagidon! (Ni uyono 41, ẹkorota 17)

A she ọbe nana-a, oye ẹbere-ovo ve owian ve uyono ri Baibol ve
akpeje, re ru ve womarẹ itetoro ro wonhwo. Wo da guṇo ru itetoro,
biko kpo [donate.jw.org](https://www.jw.org/donate).

Jokpane ke djerephia, asan ri ve Baibol rhe eje ra vwoba tota, *Baibol
Ọfunfon Na* oye i nurhe, ẹkevuovo, e si ibieta na nene obo ve si ẹta
ve Urhobo asaokiephana. Wo da rha mre NW, gba rien ve *New World
Translation of the Holy Scriptures, 2013 Edition*, oye o nurhe.

The Watchtower (ISSN 0043-1087) October 2019 is published by Watch-
tower Bible and Tract Society of New York, Inc.; L. Weaver, Jr., Pres-
ident; G. F. Simonis, Secretary-Treasurer; 1000 Red Mills Road, Wallkill,
NY 12589-3299, and by Watch Tower Society of Jehovah’s Witnesses Ltd/Gte,
P.M.B. 1090, Benin City 300001, Edo State. © 2019 Watch Tower Bible and
Tract Society of Pennsylvania. Printed in Nigeria.

**Kpo [jw.org](https://www.jw.org)® ve urhobo
vwe www.jw.org/urh yere
skani ikodu nana**



wip19.10-UR
190703